



PODRUČNO TUŽILAŠTVO SANSKI MOST

Broj: T01 1 KT 0006736 24

Dana, 18.11.2024.godine

**KANTONALNOM SUDU
BIHAĆ
- Sudiji za prethodno saslušanje -**

Na osnovu člana 45 stav 2 tačka i. i člana 241 stav 1 u vezi sa članom 242 Zakona o krivičnom postupku Federacije Bosne i Hercegovine, podižem

OPTUŽNICU

PROTIV:

VUKALIĆ MEHEMEDA, rođen 1963.godine u naselju Husimovci, općina Sanski Most

DA JE

- Dana 21.08.2024. godine, oko 10:00 sati, u Sanskom Mostu, u ulici Prijedorska, u prostorijama JU „Gimnazija“ Sanski Most, koja se nalazi u sklopu objekta srednjoškolskog centra "Amir Žilić", a čiji je i on uposlenik, iz njemu poznatih razloga došao sa vatrenim oružjem automatskom puškom tipa kalašnjikov, Egipatske proizvodnje marke „Maadi“, model „Misri“ (godina proizvodnje 1988. godine), serijskog broja 1389583, cal. 7,62x39 mm, i dva okvira za municiju cal. 7,62x39 mm i uputio se na prvi sprat gdje se nalaze kancelarije (kabineti) direktora škole Halilović Nijaza i sekretara škole Kljunić Nisvete, te svjestan i znajući da ispaljivanjem više projektila (hitaca) iz automatske puške u vitalne dijelove tijela, Halilović Nijaza i Kljunić Nisvete, iste može usmrtniti, a što je i htio, došao je do kancelarije (kabineta) direktora Halilović Nijaza, i po ulasku u istu u dva navrata ispalio je pet projektila (hitaca) u njega, uslijed čega je isti zadobio teške i po život opasne tjelesne povrede u vidu prostrelnih rana grudnog koša, vrata, trbuha i lijeve šake, uslijed kojih prostrelnih povreda i posljedičnog iskrvarenja je kod Halilović Nijaza nastupila nasilna smrt, zatim se uputio do kancelarije sekretara škole Kljunić Nisvete i u istu ispalio četiri projektila, uslijed kojih je i zadobila teške i po život opasne tjelesne povrede u vidu prostrelne rane grudnog koša, desne nadlaktice i trbuha, uslijed kojih strelnih rana je nastupila smrt Kljunić Nisvete, nakon čega se sa vatrenim oružjem – automatskom puškom uputio u prizemlje do kabineta profesora C. A. u kojem se sa njim nalazila i profesorica engleskog jezika – Midžan Gordana i u njegovom prisustvu, ulaskom u kabinet, svjestan i znajući da ispaljivanjem više projektila (hitaca) iz automatske puške u vitalne dijelove tijela Midžan Gordane, istu može usmrtniti, a što je i htio, u Midžan Gordanu ispalio pet projektila, uslijed kojih je ista zadobila teške i po život opasne tjelesne povrede u*

vidu prostrelne povrede glave, grudnog koša i trbuha, uslijed kojih strelnih povreda je kod Midžan Gordane odmah nastupila smrt, nakon čega je sa automatskom puškom otišao do prostorije namijenjenih za pomoćne radnike (domare i higijeničare) koje je i on koristio kao uposlenik JU „Gimnazija“ i u sebe ispalio jedan hitac u predjelu lijeve strane grudnog koša, kojom prilikom je zadobio strelnu povredu koja mu je sanirana pravovremenom liječničkom intervencijom u UKC Banja Luka Republika Srpska, gdje je hospitaliziran do dana 02.09.2024.godine.

Dakle, tri lica lišio života

- 2. Dana 21.08.2024.godine, oko 10:00 sati, u naselju Husimovci., općina Sanski Most, u svojoj porodičnoj kući, suprotno odredbi člana 7. stav 1. Zakona o oružju i municiji Unsko-sanskog kantona (Sl. glasnik br. 15/21), svjestan da drži oružje čije držanje građanima uopće nije dozvoljeno, a što je i htio, držao vatreno oružje - automatsku pušku – kalašnjikov, Egipatske proizvodnje marke „Maadi“, model „Misri“ (godina proizvodnje 1988. godine), serijskog broja 1389583, sa dva okvira municije cal. 7,62x39 mm, u kojima je zatečeno 44 komada metaka, a koja puška sa pripadajućom municijom je prema članu 6. stav 1. tačka a) podtačka 3) i 5) istog Zakona svrstana u kategoriju A – zabranjeno oružje.*

Dakle, neovlašteno držao vatreno oružje, streljivo čija nabavka građanima uopće nije dopuštena,

Čime je, radnjom pod tačkom 1 počinio u sticaju krivično djelo - Ubistvo iz člana 166. stav 1. Krivičnog zakona F BiH, na štetu tri lica (Halilović Nijaza, Kljunić Nisvete i Midžan Gordane), a radnjom pod tačkom 2 u sticaju počinio krivično djelo - Nedoizvoljeno držanje oružja ili eksplozivnih materija iz člana 371. stav 1. Krivičnog zakona F BiH, a sve u vezi sa članom 54. istog zakona.

Slijedom navedenog stavljam:

PRIJEDLOG
dokaza koje treba izvesti na glavnom pretresu:

- 1. Da se ispituju svjedoci:**
- 2. Da se ispituju vještaci:**
- 3. Da se pročita:**
- 4. Da se pregleda:**
- 5. Da se izvrši uvid u:**

Predlažem da Kantonalni sud u Bihaću na osnovu odredaba iz člana 71. tačke e) i člana 78. stav 1 Krivičnog zakona F BiH izrekne sljedeću:

SIGURNOSNU MJERU oduzimanja predmeta

U smislu odredbe člana 71. stav 1. tačka e) a u vezi sa odredbom člana 78. stav 1 Krivičnog zakona F BiH, vatreno oružje - automatska puška – kalašnjikov, Egipatske proizvodnje marke „Maadi“, model „Misri“ (godina proizvodnje 1988.), serijskog broja 1389583, i dva okvira municije cal. 7,62x39 mm, u kojima je zatečeno 44 komada metaka, kao predmeti koji su upotrijebljeni za učinjenje krivičnog djela, imaju se oduzeti od Vukalić Mehemedu, a koji se po pravosnažnosti presude imaju uništiti u skladu sa posebnom odlukom suda.

REZULTATI ISTRAGE

Materijali koji potkrepljuju navode optužnice su:

Na osnovu člana 151. stav 1. i 2. Zakona o krivičnom postupku F BiH sudu stavljam:

PRIJEDLOG:

Da Kantonalni sud u Bihaću nakon potvrđivanja ove optužnice, prema optuženom Vukalić Mehemedu iz razloga propisanih odredbom člana 146. stav 1. tačka d), Zakona o krivičnom postupku F BiH, u skladu sa odredbom člana 151. ZKP F BiH:

PRODUŽI MJERU PRITVORA

Na način da dispozicija rješenja o produženju pritvora sadrži decidno određenje suda da se pritvor prema optuženom produžava nakon potvrđivanja optužnice i da po tom rješenju pritvor može trajati najduže 2 (dvije) godine za krivična djela iz optužnice za koja se po zakonu može izreći kazna zatvora preko deset godina, ali ne i kazna dugotrajnog zatvora, uz naznaku da će sud kontrolu opravdanosti pritvora vršiti po isteku svaka dva mjeseca od dana donošenja posljednjeg rješenja o pritvoru.

RAZLOZI KOJI SE VEZUJU ZA PRIJEDLOG DA PREMA OSUMNJIČENOM BUDE PRODUŽENA MJERA PRITVORA SU SLJEDEĆI:

Kantonalno Tužilaštvo USK-a smatra da su u konkretnom slučaju ispunjeni kako opći tako i posebni uvjeti za produženje pritvora prema osumnjičenom Vukalić Mehemedu, tj. da postoji osnovana sumnja kao viši stepen sumnje da je osumnjičeni počinio krivična djela koja mu se stavljaju na

teret tačkom 1. i 2. ove optužnice, i da su ispunjeni posebni uslovi propisani u članu 146. stav 1. tačka d), ZKP F BiH.

KANTONALNO TUŽILAŠTVO TAKOĐER CIJENI DA SU U KONKRETNOM SLUČAJU ISPUNJENI I POSEBNI USLOVI ZA PRODUŽENJE PRITVORA PROPISANI ČLANOM 146 STAV 1 TAČKA d) ZKP-a F BiH

Iz svih naprijed navedenih razloga stavljam:

PRIJEDLOG

Da Kantonalni sud u Bihaću, nakon potvrđivanja optužnice, prihvati prijedlog Tužilaštva da se optuženom Vukalić Mehemedu produži pritvor iz razloga propisanih članom 146 stav 1 tačka d) ZKP FBiH, (u skladu sa odredbom člana 151 ZKP F BiH i člana 242 stav 3 ZKP FBiH).

KANTONALNI TUŽILAC